

售發酒蜜



啟者本行由歐洲辦到上等密酒來
助發售其酒甚佳茲將標頭印出 諸
君光顧祈為細認免致有誤倘有無恥
之徒假冒本行鎖匙標者本行定必嚴
為控究再此酒不能販往
加勝吧 三寶龍 泗里末
望加錫 檳榔嶼 日裡等處其
他各埠均能運往並此佈 聞
大英一千八百八十六年十一月十
八號 明嗎也洋行謹啟

賣發酒密烏



啟者本行向由英國督辦各
種美酒來助發售久已遐邇
馳名茲復由英新辦到顏爾
士斗雲字號之狗頭標烏密
酒到助應沽此酒香奕異常
不惟飲之可口且能保養精
神調和血氣常飲令人不生
疾病誠酒國中上品也 諸
君光顧應細看以上所列之
狗頭標庶不致誤且價甚相
宜倘 諸君有欲酷飲者請
至本行取用可也此佈
大英一千八百八十八年八
月十五號 明嗎也洋行啟

出酒池蘭其標葉蜂上頂國法



敬啟者茲本公司親由法國督辦頂上
好萬蘭池酒來助發售其酒清香濃郁
醇厚異常飲之誠可令人長血氣壯筋
骨悅顏色妙美無窮今市上所有萬蘭
池酒無有能出其右者誠佐饌中妙品
也至此酒惟本公司一家沽出餘無別
家出售 諸君光顧請細認蜂窠標頭
為記並細辨香味方不致誤價甚相宜
倘有欲份之購者祈至 惠臨沽買
是幸
大英一千八百八十八年六月二十號
大清光緒十四年五月十一日
明嗎也公司謹啟

賣出品三




啟者本行督辦歐洲馳名三品洋酒來助發售
其酒係白頭以式發售有年沽飲 諸君莫不
稱其香奕奈近有無恥之徒假冒本庄三品酒
款式以圖魚目混珠情殊可恨嗣後 諸君沽
買本行白頭三品酒者請細認本號招牌之內
有小紙包頭印華字號為據倘有也公司
始無伴若此字樣即屬假冒請為細認特此佈
聞 大清光緒十一年十一月初四日
大英一千八百八十五年十二月十九號
明嗎也公司謹啟

售發櫥鐵名馳



嘗思營生之道所 最要者則惟數簿其次則惟銀兩然必須有以善藏始無意外
此本行鐵櫥所以為 諸翁之所共賞也啟者本行所賣之鐵櫥久已馳名於東
方一帶而於嶺坡則聲名尤著至本行沽賣此等鐵櫥已有三十年之久其製甚
為堅固保能避火且其匙鑰甚妙斷非盜賊等所能開計其櫥全身均用鐵製無
雜成並以木料且諸櫥自前至今均為一式堅固前無
有優劣之分至於各櫥大小
不一而價值則約一百元至
四百元凡用之者可保其不
礙焚燒即火災亦無所損本
行之鐵櫥實為助坡諸華商
所喜購而本行每年所沽亦殊不鮮茲特為之錄佈倘
諸君有意購者祈即玉臨選購為盼
大英一千八百八十九年十一月廿八號
大清光緒十五年十一月初六日



明嗎也洋行謹啟

火警錄 ○廿八夜約二點鐘時水仙門地方有回祿之災時匪漢山即鳴警炮五門查係該處第十九號門牌潮人所設寶和源貨棧失火該棧內貯站襪土及椰乾等物約值萬元之多最為引火故一經焚發即覺烈燄冲天當時即經國家水龍營救火局水龍等先後赴援撲救良久至三點餘鐘時始經漸熄然餘燄依然未盡極柄間常有烟冒起故救火者仍未敢即為散去延至天明後尚有人灌救直至午刻始已聞該棧貨物業向真寶得洋行代理之加里端端保險公司買有保險一萬元至於若何起火則尚未得而知也

猝成大鬧 ○廿九日午刻石叻門工匠等有滋鬧之端其勢甚狂黨人乃補爐工匠與油漆匠人相鬥者也兩黨皆係粵人其駭肆之由則有甚為瑣屑者先是早諸匠在船澳中執役有漆匠某甲偶誤傾其油少許致汚補爐匠某乙之衣乙怒誓之詎餘怒未闕即執甲而毆打時甲伴見乙所為咸代甲不平因亦執乙毆之於是遂成肆端迨至十一點半鐘散午工時補爐匠人乃集其黨徒向漆匠尋衅查該處補爐匠人甚眾漆匠已非其敵且補爐匠人要執孔武有力而器械復便於或執手鎚或持巨斧或荷短棒紛紛尋仇相鬥而謂漆匠半多懦弱且復空拳赤手安足以當其鋒於是大受摧殘因有漆匠四人受有重傷當場昏去血漉如注尚有五人其傷稍輕當時結鬥正兇該處船澳西人知難善止因放空鎗為之恐嚇諸人見有鎗聲始紛紛而散良久始有差至時門黨早經散去無從查捕惟將傷者送交醫院調治聞受傷諸人內有三名所傷甚重尚未悉能否保全以上皆當時目擊情形俟有後聞再行續報

插私不成 ○暗插私烟之事多不勝言其中欲圖財者有因快恨者不一而足然以蔭李之戚亦忍為之可見其心之狠矣設非早為發覺幾何不至被其所害哉李某閩人寓居小坡葡國教堂前有戚陳某前因借其資資屢討不償李前日復往迫之因相口角陳因怨李甚切而猝無奈之何也廿七日李無事正在家中閒坐適有閩人郭某至坐談有頃即復出門去李大疑訝念郭與陳素稱交好與已不過僅一面之知平素未嘗往來何以今日突到坐談且并無事故未幾遂行心大疑之即在室中搜視見浴房之側置有私烟一罈李見之知係郭所為因追及之責其不應郭初不服李以証証顯然嚇以執送公堂郭始懼而吐實謂陳所使李因縱之使去惟念親情之故未有控之然若陳者報怨不成反耗私烟之本賠了夫人又折兵者其斯之謂歟

嘉禾紀事 ○廈門一隅前經各善士特發慈心以創義舉以為廈中窮而無告之人使得依歸爾沾實惠故向設有育嬰堂恤無告堂集善堂等皆為各善士共率其安懷之念使彼窮民獲登夏屋春臺之上共遊光天化日之中誠善舉也後各善士以為善堂既設善舉難繼故又廣集善緣相資立業以延善舉則博濟之款固無慮其不長俾得共垂久遠此各善士之苦心學畫又不可謂其不周也然統計三善堂所置之業其於店戶出稅者不下百有餘間年中所入之資以供公費固不虞其不足尚且欣其有餘所慮者各業既置而督糧未得其人而善款亦難久恃故當時各善士已慮及於此則將三善堂之公產經已向官聲明存之於案遂由官撥放公正紳耆始掌厥業并將議定司理該業之人不得侵用公項亦不得私變公產以飽私囊否則必由官追還以重善舉法至其意至美也溯自數年前三善堂之公業係由官舉到西門內西庇宮董事蘇亞七者為之掌理初蘇理其業出入之數尚覺分明廈中居民猶有羨其廉者嗣蘇以食指甚繁家需莫繼左支右絀濫乃由窮困將三善堂之公產私售與人統計其資約共三萬餘金當是時各買主與蘇所購之屋實有不知其為公產故貿然交易借贖婦孺入室而居然而廈中居民亦以該產向為蘇所掌握亦以為各買主稅之而寓以故咸所弗覺也不料於邇來蘇之私售公產適為吳道憲查覺因欲飭差拘蘇到堂以憑訊究詎聞風思逃竊恐難逃法網即於去月間乃效巫臣出培挈眷遠逃故至今猶未拘獲然則蘇固為三善堂之罪人也第不知南山之烏北山張羅而蘇果能逍遙於法外否耳迄於今蘇已逃去而善堂公業不可無司理之人以接所掌故刻下由吳道憲舉有外清堅侯補同知陳君穆齋者以管厥業陳君者係已故總領陳世忠公之子也生長簪纓之宅尤知禮義之行且復慷慨好施嗜善性成廈中居民多有深荷其德今為道憲委掌善業廈民莫不欣得其人以為得陳君經理善款其流澤必孔長也查陳君接管是業細稽蘇之侵欺為數頗鉅擬將數目別查清禁列單呈官俾得由官追償善款以綿久遠之傳復於蘇所私賣之屋逐一查明前借委員赴於私賣之屋門前貼有紅幾標明此係三善堂公產仍須將業歸官管理不得以蘇之私賣為據字樣一時各買主為之駭然據謂小戶人家所寓該屋明係用資買來而陳君與委員等謂此是善堂公產非蘇一人所得而然則私買私賣汝等容有不細出倘有情有不甘儘可搜蘇於案由官核理自得其平後各買主亦以陳君等言殊有理不敢復贅一詞惟於蘇則深有所憾也然則各買主於此當必有與訟公庭而為蘇者其又將何策以禦此耶爰錄之以規其後

極運昔甯 ○方軍門自月之初二日在城西八邑會館行較內仙游而後城內文武各員暨麾下各弁均詣行轅叩之禮茲聞其哲嗣慶於三歲後改吉廿三日奉柩用輪船運回昔甯府第開祭併尋吉穴安葬水師部下暨查辦五路積匪各弁均已預備祭品隨行送殯想兩日發引靈柩時儀仗紛繁鼓樂送葬執紼者皆軒輊中人誠令觀者塞途也

津門魚素 ○天津不信云天津鐵路公司總辦唐景星觀察因貫體違和久未痊可聞已稟辭總辦差事不日回省調理或云唐觀察稟蒙李傅相准假前往日本小件勾留俟勿藥可占即當遣回差次云

○天津不信云天津鐵路公司總辦唐景星觀察因貫體違和久未痊可聞已稟辭總辦差事不日回省調理或云唐觀察稟蒙李傅相准假前往日本小件勾留俟勿藥可占即當遣回差次云

舉網得銅 ○潮來漁人之在長崎縣屬西彼岸那黑石村山口村白羅冲張網者一時網得銅斤人皆詫以為奇後奪得五十年前有一民船載銅十二萬斤並表鐘一口自大坂川口至長崎同時途中遇難沉沒於此是以洪波巨浪之中迄今猶時有精銅撈得也刻有潛水師島田金五郎隨帶潛水機器下打撈據云銅質極美惟表面悉變成黑色云

山西米費 ○太原不雨百有餘天麥枯焦破墮塵起糧食等物大為昂貴計白麵每斤四十文麥子每斗九百二十文大米每斗九百五十文小米每斗五百文數米而炊能無愁苦歟

退股聲明 ○敬啟者新嘉坡漆木街門牌第八號有生華記布路什貨生理原日 林克居 林和記合得生理五份刻下林克居林和記兩人志願別業願將名下生理拆出同請到公親 余 葉兩位老爺估實秉正明白應存股份銀項即日如數在公親面前交清倘異日有生理盈虧與林克居林和記兩人無涉至林克居林和記與 諸賢號數項來往者祈向他經手是問概與本號無干先此聲明免致後論 大清光緒十七年六月廿九日 大英一千八百九十一年八月三號 有生華記謹白

憲示 ○大英欽命新嘉坡輔政使司 為曉諭事照得現奉 督憲札開嗣後凡有郵政局送信諸人以及國家一切人役等如有收鑽之事必須實得力之鑽可准收用若外埠之鑽概不准收等因奉此合行出示曉諭仰商民人等一體遵照辦理無違特示 大英一千八百九十一年八月一號 大清光緒十七年六月二十七日 示

招承工役示 ○大英欽命新嘉坡輔政使司 為招承工役事照得現奉 督憲札開麻六甲之下耶加羅地方現欲製造注水池一所以便水喉注奉此合行出示曉諭仰商民人等一體知悉汝等如有願承斯役者可於西八月十四號即華七月初十日以前將票投交本署或交麻六甲參政司署以憑選擇至於棄取之權悉由 國家酌奪不得執價高者得之說以相爭論如有欲觀其圖式及一切詳細情形者在叻可向營造司署詢問在甲可至地里司署詢問便得各宜踴躍慎無觀望特諭 大英一千八百九十一年七月三十一號 大清光緒十七年六月廿六日 示

津鐵出投 ○啟者茲定於西本月廿八號即華本月廿三日禮拜二上午八點鐘在丹戎巴葛第十五號貨棧內拍賣洋鐵塊及圓鐵條計共一千担另鐵釘料二百八十五捆此鐵雖略受微潮然尚不礙於用投定之後現銀交易限四日內將貨出清 君合意請屆期往為投買是荷 大英一千八百九十一年七月廿五號 大清光緒十七年六月二十日 巴越館主謹白

白蠟 大英特授白蠟參政使司為招商承餉事照得本轄內烟酒賭當碼及出口稅碼魚乾稅碼均將屆期茲特出示招人接充為此示仰商民人等一體知悉此碼係以三年為期由西來年正月一號起至一千八百九十四年十二月底止茲將各款開列如左 一承充此項餉碼入票之期定於西本年八月十五號即華七月十一日以前投遞 二烟碼以三年為期此碼係在白蠟下游海一帶開設 三所有商頭海各碼如生土熟膏酒賭當及出口稅魚乾稅等碼均以三年為期 四白蠟下游熟膏碼亦以三年為期 五生熟煙價每兩沽銀一元七角每錢沽銀一角九占 勝律餉碼列左 六酒碼當碼賭碼均以三年為期 七沙藤碼係在讓葛 沙東 惹爾馬呂 沙不東 心邦各地均以一年為期 八土油碼亦在以上各地及峇東地方亦以一年為期 掛勝港沙及白蠟上游餉碼列左 九所有各碼均以三年為期 白蠟下游餉碼列左 十亞答碼係以三年為期 掛勝港沙餉碼列左 十一土油碼係以一年為期 十二勿呂沙木碼以二年為期 十三凡入票者票面須寫明太平國家收折字樣或欲全投各碼或欲承充一二碼均無不可 十四所有棄取均承 由國家裁奪不能執價高者得之說以相爭論 十五凡投碼者須先交三個月之餉銀以為按當若無現銀則以物業作按而產業價值之價可抵四個月餉銀即能為按 十六所入各票務須列明承碼諸人姓名住址作何事業以及股份若干 十七如有欲知詳細情形者可至太平國家寫字樓內相詢若在各屬地可問該地刑訟司若在檳城則向白蠟代理人處詢問便得 十八以上各碼如恐界毋不示 清之弊必須詳細問明而後入票方不致誤 大英一千八百九十一年七月廿三號 大清光緒十七年六月十八日 示

屋地出投 ○啟者茲定於西本月三十號即華本月二十五日禮拜四下午二點半鐘在本館內拍賣地段三區坐落梧槽加籠路附近加籠河之甘武宜地方大有四希為餘乃九十九年之期係由一千八百六十六年四月二十一號起算又一地係由一千八百六十六年四月二十四號起算又一地係由一千八百七十九年正月一號起算各地每年可收租銀一百七十九元二角半其地已建有火確木廠一間名曰黃榮輝前者乃峇加釐士打洋行之業並有火鋸機器鼎爐等物甚多不能備錄 諸君合意請為屆期 玉臨拍賣此佈 大英一千八百九十一年七月二十號 大清光緒十七年六月十五日 吉靈館主謹白

大英一千八百九十一年七月二十號 大清光緒十七年六月十五日 吉靈館主謹白

大英一千八百九十一年七月二十號 大清光緒十七年六月十五日 吉靈館主謹白

示招人接充爲此示仰商民人等一體知悉承充此碼以三年爲期由西來年正月一號起至一千八百九十四年十二月底止凡有入票承充各碼者可於西九月一號即華七月廿八日以前將票投交本署及掛勝卑參政司署均無不可茲將各碼開列如左 一烟碼係在堡地方沽賣 二烟碼係在淡賓及龜汝地方沽賣 三烟碼係在柔荷及因拿士地方沽賣 四烟碼係在巖棉芝地方沽賣以上烟碼若沽生土與諸錫礦者每粒計銀廿四元冥 五酒碼係在 林堡 淡賓 龜汝 嚴棉芝 柔荷 因拿士等處地方開設以上兩條或各地統承或各地分承均無不可 七賭碼及碼碼係在民離知即如呂模 梁堡 打刺芝 干囊 巴沙等處地方開設此碼或統承或分承亦無不可以上各碼如欲知其詳細情形者可至掛勝卑參政司署或淡賓巡理府署詢問便得至於各票乘取均由國家主裁不得執價高者得之說各宜踴躍有厚望焉此諭
大英一千八百九十一年六月廿五號 大清光緒十七年五月十九日 示

招商承餉示 大英欽命新嘉坡輔政使司 爲招商承充餉碼事照得現在檳榔嶼陵及麻六甲各地烟酒兩項餉碼均將屆期茲特招商承充此碼以三年爲期係由一千八百九十二年正月一號起算茲將其烟價列登如左 計開檳榔嶼及隣陵大甲烟價每兩計銀二元二角每錢計銀二角六分 麻六甲大甲烟價每兩計銀二元每錢計銀二角四分 鄉烟價每兩計銀一元七角每錢計銀一角七分 以上各碼如欲承充者可於西八月十五號即華七月十一日以前將票投交本署或至以上各地之參政司署投遞其票內須列明承餉之人姓名住址作何生理何人具保等項均須詳晰聲明以憑國家選擇不得執價高者得之說其餘一切詳細情形可至本署及各地參政司署詢問便能知悉各宜踴躍慎毋觀望切切此諭 光緒十七年五月十八日 大英一千八百九十一年六月廿四號 示

工部局告白 啟者茲本局由歐洲寄到各皮套甚多以備套諸大嘴所用特此通知凡有畜犬之人宜即來局報明請領若至西八月一號即華六月廿七日之後凡各犬若無嘴套即許差役將其擊斃特此預知各宜自諒
大英一千八百九十一年七月十一號 大清光緒十七年六月初六日 工部局司理人釐兒不勝宜禮謹啟

各立門戶 啟者余向在交父乙羽因谷狀師處協理一切訟務茲余已出而自立門戶在麻六甲街吉靈分館之隣第二十九號門牌創設寫字樓倘 諸君有就教者請移玉到本寫字樓面商爲望 大英一千八百九十一年五月十一號 乙羽因老蘭谷狀師謹白

洋貨出售 啟者茲本行由歐洲辦到各貨甚多以便 諸君購用茲將各貨略登如左以備採擇焉計開 卑呂申及羽因拿密酒每箱計大樽四十八樽 英國下慈密酒每箱計小樽四十八樽 法國三星標萬蘭池酒每箱計十二樽 荷蘭仁酒每箱計十五樽 荷蘭水每箱計一百樽 意國華勿酒每箱計大樽十二樽 車釐酒及各色美酒每箱或十二樽或廿四樽 美國生菓每箱計廿四罐 各式餅乾每箱計一百罐 各色洋紗每捆計重四百磅 西國揀選大頭巾每箱計三百捲 花布每箱計一百二十疋 竹布每箱計二百疋 美國斜紋布每捆計二十疋 香鹼每箱計五十匣 呂宋烟每箱或一百枝或二百枝 并有各項貨物甚多不能備錄且貨皆精美價甚相宜 諸君有欲購用者請 移玉惠臨選沽爲盼 大英一千八百九十一年六月十七號 巴直里灣底巴士公司謹啟

北慕娘招商承餉示 北慕娘輔政使司 爲招商承餉事照得本境熬煮烟膏出口沽賣之碼刻欲招人承充此碼以八年爲期如欲畧短其期者亦無不可爲此示仰商民人等一體知悉爾等如有欲承斯役者可入票至北慕娘督轅參贊或在叻入交然申洋行稟遞以憑國家選擇各宜踴躍慎無觀望特諭 大英一千八百九十一年四月十六號 大清光緒十七年三月初八日 示

代理香港火燭保險有限公司告白 啟者本行已承香港火燭保險有限公司總理人之命在叻與其代理一切火燭保險各事宜凡叻地諸君有家業物件等欲買保險者請至本行寫字樓面商一切價甚相宜特此預聞尙希 惠臨
大英一千八百九十一年五月十六號 光緒十六年四月初九日 牙直里洋行謹白

華英書籍減價出售 啟者鄙容階先生在前奉委出洋歷有年所想其博探方言鉛製自富現回中國粵 憲衙內統理洋務事宜先生每於公事餘閒將其平日所有著述各書訂校而附之刊印一律告竣有心世務者購而熟讀之不特增廣識見實足以助其才力誠嘉惠後學之要笈也茲將各書目開列如左 計開英學初階每部銀六角 增訂華英字典每部銀五元半 英語彙腋初集每部銀一元半 英文成語字典每部銀六元 英語彙腋二集每部銀二元 學習英文數字每部銀一角 應酬寶笈每部銀二元 粵城廣報新聞紙每年銀八元 大清光緒十七年正月廿二日 大英一千八百九十一年三月二號 漆木街南興隆號謹啟

德郵船抵粵行期 ○刻接前途遞來電耗云德國郵船名薩仙於廿八日由香港啟程定於初三日禮拜五即能到叻上落客貨畢即啟輪西渡茲特為之錄以告辦郵務者

法郵船抵叻定期 ○刻接前途來電云法國郵船名控打於廿八日早由西貢動輪定於本日下午即能到叻上落客貨畢即啟輪西渡茲特預為錄出以供衆覽

會議車例 ○近來本坡工部局諸員忙劇異常每禮拜內叙議至三次之多聞所議之事係欲更定手車新章依照上海章程辦法兩諸車分為二等一則僅容一人乘坐一則可以二人乘坐倘車夫有不法等一切情事均為車主是問等情而此新章錄至西來年正月即可舉行而叻地各手車又將有一新氣象矣

檳城商耗 ○頃接檳城來信云該處商務現在日難一日大有江河日下之勢多有積肩束手而莫展一籌故諸華商等已於月之廿二日會議以籌所以維持之法議定後即公舉謝君德順林君花晉顏君宏基三人晉謁參政司欲請參政集眾會議所欠各數限以二十閱月分期歸還等情參議後已將此情形函商西商公所矣惟據傳觀之意則謂諸華商等因國家禁用外鑛之事深形不便欲請國家將此等不能行用之鑛收回而此舉或向可邀允准也

追償欠餉 ○白蠟遞來信息云該處國家現在發有傳票甚多控告嶼地商人致諸商所以被控之由雖彼前者投充白蠟餉碼時曾欠到餉項廿二萬餘元之多故神控追此項也

悉批照錄 ○本年春間張又拾易學若二人遞解回籍各緣由本報備錄矣查此事先經左子與方伯詳稟粵督撫各憲兼稟詳薛叔耘星使在案至於粵憲所批之語本報早已錄登惟歐洲距叻較遙故尚未即能抄錄茲悉領事府署已奉到星使批文茲特照錄左方以供衆覽 稟悉張易二人與伍同伴復於寓中搜獲水陸平安字樣一紙各色項珠多顆其為盜黨假官既有實據輒敢混稱勸捐出頭庇盜信屬奸民之尤該領事府知其偽復電詢粵東藩司以為答覆英官之據足徵處事精細辦理妥協該犯既經英官拿獲解回粵東由英領事照會地方官收管懲辦應聽粵東大憲辦理候轉咨兩廣總督部堂廣東巡撫部院查照此繳

越南新闢 ○粵西之龍州與越南交界太平歸順道駐紮其地以資防堵法國亦設立領事於此蓋二年前餘矣領事安君處事和平立心公正華官咸相推重第事係創始未有公署暫借民祠辦公殊屬不便乃商同禁觀察希邪任明府玉森就西門外隔河賦麥地方亦名苑葉角擇地一段長方二十餘丈寬闊相同自去臘鳩工庀材經營建築石田漸成樓閣荒地改作花園下洋關電報局隔壁亦創土鋸木蓋造洋房領事府旁亦構架住屋遠宦到華鳩樓穩固理固然也此外富長江鐵路已接成里之遙俟接至諒山光封一帶商務定有起色云

俄法近事 ○法京遞來信息云法國前任駐紮俄國公使嘗詢問俄國外部大臣謂德法兩國再有戰務俄將如何處置俄皇覆聞其語心滋不悅謂法公使不請命於俄皇僅向外外部大臣詢問大有不合之處法使以責備難堪業經挂冠而去現聞新任公使仍將前說詢問俄皇欲求據實示覆俄皇於法公使所言甚不滿意恐將來難免爭論云已上皆來報之言但不知法公使必欲以此說質之於俄果何所取義也

港督回英 ○前任香港督憲傅制軍卸篆後駕赴日本淹留一月復由日本回英前已據聞登報茲接西六月廿四號舊金山遞來信息言意駕乘加力火船於是日安抵該埠其夫人及女公子暨一女傳一司厨法人一服役華人均隨之而至擬於是晚趁船回國旋因舊金山有禁人入境之例帶同該服役人頗形不便先由地方官看傳制軍立保單一千元力保侍役必不逃入內地又代領出口護照故延滯數日始得附航而去而該侍役甚為傳制軍所喜悅原欲偕同英國有依依不捨之意傳制軍在日本數旬其清恙略有起色又到舊金山時極羨其境之佳謂異日再來定勾留數月云嘗與人論及香港近事謂天下著名通商口岸唯地處居其一其蒸蒸日上之勢局外人罕能洞悉各商務方與未艾而船頭生意可稱為天下第三名由大洋到埠之巨船每日約有十艘去年由港出口船隻計有一千四百萬噸其情形本年可加多二百萬噸其振興可立待也

合浦珠還 ○近日拐帶之風盛矣乃更有從而變本加厲不惟拐及傍人甚即猶子之親亦且忍為拐賣者嗚呼誠如是則人心奚在倫紀奚存哉郭亞容粵人也向以木工為業在丹戎巴葛船澳內僱工家有妻孥所奈尙虛子嗣僅生一女業已五齡郭以戲情勝無之故甚鍾愛之詎於去年正月十八日忽然失去當時業遺偵驗四出尋訪均覺踪跡杳如然郭以失女故心終不安因辭其工挾技以遊各處以圖暗訪其女本年五月偶遊檳城過港適經梁姓之門見有幼女立於門前酷肖其女疑而注視女忽呼曰阿父何來果其女也郭見之大驚梁家人見此情形有異因肅郭入詢知其故郭亦問之始知其被拐之由先是郭有堂弟名亞輝者遊手好閒毫無事業一日抱女託言往市果餌於是遂拐往檳城欲賣與人索價百二十元久之無有願為買受者嗣因患病需資調治而女粹無人願善因暫典於梁家計銀五十元詎獲得此資後醫而弗愈未幾即登鬼錄大抵緣其罪惡貫盈所至自是之後女即依梁為活一旦交女相遇始悉前情也梁本忠厚人家詢郭情由知女係為郭出念其被拐心甚憐之因免其利息着郭將原本贖回郭欣然再三乃回唯據實財往為取贖昨已由總携女回叻依然骨肉團圓矣